

Powšitkowne WOZJEWJENJA

njedźelu, 21. decembra 2025

Serbska pišćelowa hudźba

Poslednju hudźbnu hodžinku we wobłuku adwentneho hudźbnego rjadu „Pišće k non“ Budyskeje tachantskeje wosady wuhotuje štwórtu adwentnu njedźelu, 21. decembra, tachantski kantor Kamil Maksymilian Kulawik w 15.00 hodž. na pišćelach w tamnišim simultanym Božim domje swjateho Pětra. Přizamknje so swačina na farje.

Hodowny nyšpor z chórom Lipa

Chór Lipa wuhotuje njedźelu, 28. hodownika, w 17.00 hodž. swój tradicionelny nyšpor w swětle swěčkow w Róžeńčanskej swjatnicy. Zastup je darmotny. Wšitcy su wutrobnje přeprošeni.

Silwesterski koncert w Bačońskej cyrkwi

Na koncert k wuklinčenju lěta přeprošuje Bačońska wosada srjedu, 31. decembra, w 17.00 hodž. do swojeje cyrkwy. Lětsa wuhotuja jón Rjelkec mandželskaj Hanka a Marek kaž tež Kaulfürstec mandželskaj Jadwiga a Fabian.

Nowołětny koncert w Radworju

Chór Meja přeprošuje wšitkich zajimcow wutrobnje na swój nowołětny koncert, kotryž bude sobotu, 3. januara, we 18.00 hodž. w Radworskim hosćencu „Meja“. Spěwajo chcedža tónraz na tradicije a wašnja Serbow w zymskim času zhladować. Přizamknu so reje.

Hodowny koncert w Chrósćicach

Tradicionalny hodowny koncert Chrósćanskeho cyrkwinskeho chóra bude njedźelu, 4. januara, w 14.00 hodž. Mjez druhim zaklinči česki hodowny cyklus. Wšitcy su wutrobnje přeprošeni.

Swójbne rituale w běhu lěta

Na nowy rjad zarjadowanjow k temje „Swójbne rituale w běhu lěta“ přeprošuje dekanatne dušepastyrstwo za džěci klětu do Worklecach. Wotpowědnje počasam a cyrkwin-skemu lětu maja so w krótkej formje małe impulsy za swójbne nabožne žiwjenje sporsředkować. Wopytać hodža so jednotliwe zarjadowanja abo cyły rjad. Za kóžde zarjadowanje pak je separatne přizjewjenje trěbne.

Přeprošeni su stajnje starši (mać abo nan) zhromadnje z džěšćom w předšulskej starobje. Při małym přikusu starši někotre zajimawostki k temje zhonja a sej po tym hromadze z džěšćom něšto spasla. Zarjadowanja wotměja so stajnje popołdnu wot 15.30 do 17.00 hodž. we Worklečanskim Don Boskowym domje. Přenje bude pjatk, 9. januara pod heslom „Witamy nowe lěto“. Přizjewjenja přijimuju online. Link k tomu nańdu zajimcy pod www.posol.de. Swójski přinošk na swójbnu wučinja štyri eura.

Prózdinska jězba za džěci do Zhorjelca

Worklečanske dekanatne dušepastyrstwo za džěci a młodzinu přeprošuje šulerki a šulerjow něčičišeho 5. do 8. lětnika klětu na prózdinsku jězbu do Zhorjelca. Wona wotměje so wot póndžele do pjatka, 3. do 7. awgusta. Dalše informacije kaž tež móžnosć so přizjewić sćěhuja w januarje 2026.

Na swjedžen swjateho Bosćana

Chróšćanske Bratstwo swjateho Bosćana přeprošuje svojich člonow a zajimcow, so wutoru, 20. januara, na swjatočnych kemšach w 9.00 hodź. a na nyšporje z procesionom w 14.00 hodź. w Chróšćanskej cyrkwi wobdźělić. Přizamknje so hlowna zhromaždizna na farje. Po tym přednošuje Ekhard Klieman z Wudworja wo hnadownej cyrkwi w Róžeńće. Hižo džen do swjateho Bosćana je lubjeny póstny dzeń. Na nim modli so wječor před jeho swjećećom na přikład w Swinjarni, Chróšćicach a Pančicach swjaty růžowc. Štóž chcył Bratstwu přistupić, měł so w Chróšćanskim farskim běrowje přizjewić, telefonowe čisło (03 57 96) 80 400.

Spirituelna zwukowa instalacija w Rakecach

Zwukowu instalaciju k temje „Lubowany“ móža wopytowařo znowa hač do pjatka, 9. januara, w Rakečanskej ewangelskej cyrkwi dožiwić. Wuwił a zwoprawdžił bě ju wospjet komponist Norbert Binder. Swětłowe efekty, kiž hudźbu podkładu, je Heiko Hahnelt programěrował. Instalacija je wšědnje wot 9.00 do 20.00 hodź. přistupna. Zastup je darmotny.

Kulturna zyma w putniskej hospodze

„Što změní astrofyziski centrum w Hornjej Łužicy?“ rěka přednošk Jana Winše z Drježdžan, kotryž budže sobotu 10. januara, w 19.45 hodź. we wobłuku kulturneje zymy w putniskej hospodze Moniki Gerdesoweje w Chróšćicach. W 16.00 hodź. poskići hosćicielka serbske džěćace kino.

TCM přeprošuje na wulět do Bayerskeho lěsa

Sekcija wěda a skutk Towarstwa Cyrila a Metoda z.t. (TCM) přewjedže klětu wot njedžele, 30. awgusta, do pjatka, 4. septembra, wulět do Haibacha w nižobayerskim wokresu Straubing-Bogen. Wottam wopyta skupina wjacore městna w Bayerskim lěsu, mjez druhim Kelheim, klóšter Weltenburg, Straubing, putniku cyrkej Bogenberg, Bad Kötzing a horu Wulki Arber. Zajimcy měli so hač do póndžele, 12. januara, pak online přez eveno (link je pod www.posol.de wozjewjeny) abo w redakciji Katolskeho Posoła, telefonowe čisło (0 35 91) 55 02 10 přizjewić. Zdobom měli hakle w januaru 200,00 eurow na konto TCM napłacić: Cyrill-Methodius-Verein e.V., IBAN: DE65 7509 0300 0008 2823 66, hesło: „Bayerska“. Dale měli zawěšćenje w padže njenastupa jězby (Reiserücktrittsversicherung) wotzamknyć. Štóž ma k tomu prašenja, njech wobroći so na Jurja Špitanka w Zejicach, telefonowe čisło (03 57 96) 9 63 47.

Taizéske modlenje

Dwurěčne modlenje po Taizéskim wašnju a z meditatiwnymi pěsnjeni budže wutoru, 13. januara, w 20.00 hodź. w Lutherowym domje ewangelsko-lutherskeje wosady swjateho Pětra w Budyšinje, Hošic hasa 28. Wšitcy zajimcy su wutrobnje přeprošeni.

Terminy Towarstwa Cyrila a Metoda z.t. za lěto 2026

póndželu, 23. februara	póstny seminar w Smochćicach
wutoru, 24. februara	hłowna a wólbna zhromadźizna Towarstwa Cyrila a Metoda z.t. (TCM) w Baćonju
póndželu, 2. měrca	póstny seminar w Smochćicach
póndželu, 9. měrca	póstny seminar w Smochćicach
wutoru, 10. měrca	zetkanje samostejacych w Smochćicach
njedželu, 17. meje	wot TCM wuhotowany mejski nyšpor w Róžeńće
meja / junija	zetkanje samostejacych (wulět)
wot srjedy do njedžele	
30. awgusta do 4. septembra	wulět TCM do Bayerskeho lěsa
wutoru, 15. septembra	zetkanje samostejacych
	w Smochćicach
njedželu, 27. septembra	nyšpor z požohnowanjom konjacych
	zapřahow w Chróscicach
3. oktobra	běh wo pokal zbóžneho Alojsa w Radworju
nazymu	rjedženska akcija při pomniku
	swjateju Cyrila a Metoda pola Stróžišća
wutoru, 17. nowembra	škotowy a rommějowy turněr w Jaseńcy
wutoru, 1. decembra	zetkanje samostejacych
	w Smochćicach

Dalše zarjadowanja a dokładne terminy TCM
w běhu lěta 2026 spřihotuje a sčasom wozjewi.

